

NAVPACTIADOS,

SIVE

LEPANTIA DOS

IACOBI MAGNI, Britanniarum,

Franciae, & Hiberniae Regis, fidei verè

Christianæ vindicis, & assertoris

verè Christianissimi

METAPHRASIS POETICA

Authore THOMA MORAVIO SCOTO.

Huic adtexta sunt paucula quedam ejusdem

Thomæ Moravii Schediasmata.



Janus . 37.

in amicitia . 42

epitaph . 43.

LONDINI,

Excudebat JOHANNES NORTON, Serenissimæ Regiæ

Majestati in Latinis, Græcis, & Hebraicis

Typographus. 1604.



3

AD ILLVSTRISSIMVM
Invictissimumque Principem, Ia-
cobum MAGNUM, Britanniarum,
Franciæ, & Hiberniæ Regem, fidei verè
*Christiane vindicem, & assertorem verè Chri-
stianissimum, Thomæ Moravii Scoti*

Epigramm-Elegia.

MAGNE, decus Lauri, Sceptri ingès gloria, Mundi
Fama, Britannigenis spes, columénque tuis.
*Dum tria divino cedunt tibi scepra favore,
Et stupet ad sortem mundus uterque tuam:
Dum tuus aeternum populus tibi letus honorem
Spondet, & aeternam dum sibi letitiam:
Dum puram, & gratam tibi dat testantia mentem
Munera, pro loculis splendida quisque suis.
Dúmque tuas omnis, peregrina, Albináque laudes
Musa canit numeris officiosa suis.
Ne nostra ingrato Musa obstupefacta veterno
Visa sit officii non memor esse sui.
En gratum ingenii meditor tibi munus, & Orbi,
Et Lauro, & Sceptris congrua dona tuis;
Hinc Italos, Boios, Cimbros, Belgásque, Alemannos,
Sarmatiam, Gallos, lustró Britannigenas.
Nil tamen in tantis, nil tot succurrit in oris
Condignum, titulis conveniènsque tuis:*

4

Nec cessare libet, pergo: in te sedulus ipso,
 Quod deerat cunctis, rimor, & invenio.
 Nempe tuis dignam titulis, mundoque Lepantin,
 Suaviloquum cunctis delictum populis.
 Hinc, sibi quisq³, tuam studiis ingentibus ornant,
 Et cultam numeris exhibuere suis.
 Quod tamen hanc Latiis nemo exornare Camanis
 Tentet, & antiqua cultibus Italia,
 Miror: ab incepto terret, puto, fama, sinistram
 Quam tanti obtutu Principis usque timent.
 Nominibus pudor est summis succumbere nullus,
 Victor enim palmam, victus habetq³, suam.
 An quia quadrupedes superat Leo nobilis omnes,
 Non honor ingenuo dignus habetur equo?
 An quia Rex pennis, animis, acieq³, volucres
 Vincit, ad accipitrem gloria nulla venit?
 Magna quidem Soli, magna est quoque gloria Luna,
 Stella, minor licet est gloria, nonne micat?
 Nec decet hac celebri claros atate poetas
 Attonitos titulis obstupuisse tuis.
 Meonides magnum, fateor, debebat Achillem,
 Æneam & solus carmine Virgilius,
 Solus Alexandrum calo expressisse Lysippus,
 Appelles picta solus & effigie.
 Si tamen hi studio segnescant deside, segnes
 Quid vetat hos rudibus submonuisse modis?
 Hos ego (vana mea non quod fiducia Musa
 Adsit, abest animo gloria vana meo)
 Excito, cen doctos male doctus Tiro magistros
 Ad doctum indoctis ausibus urget opus.
 Sic rudis incultam Latio centone Lepantin
 Dum paro, languentes excito Virgilios:

For-

Forsan & Accipitres, & Equos, Stellaſq; videbis
 Impulſu erectos non rubuiſſe meo
 Te ſub Sole, Aquilâ, ſub teq; Iacobe, Leone
 Cantare Auſoniam, Magne, Lepantiadem.
 Digna hinc ſpe, lauro, & mundo, qua Muſa nequibat
 Noſtra, dabit titulis hæc aliena tuis.
 Noſtra tamen placido ſume hæc conamina vultu,
 Confiteor volui multa, nihil potui.
 Des animos, Leo: Sol, lucem: Rex aliger, alas:
 Sic dabo, qua volui: non dabo, qua potui.
 Sic, Leo: ſic O Sol: Aquila, O bene vive! Leoni
 Et Solem adjungas, Rex, Aquilamq; tuo.

Ad eundem Epigramma.

MAGNUS ut ad magni tumulum pervenit Achillis,
 Magna admirator maximus Iliados.
 Fortunate, inquit, juvenis, tuba maxima laudum,
 Aurea Maonida cui data Calliope.
 Pace tamen Magni mihi dicere fas ſit: Achillem,
 Nec fortunatum cenſeo Maonidem.
 Fortunatus enim nemo eſt, aliunde beatis
 Qui miſer exquirat materiam titulis:
 Quod canit hic, gerit ille: canat ni, quod gerit ille,
 Eſt nihil: ille gerat ni, canit iſte nihil.
 Nempe deeſt iſti Mars, illi Muſa, coronat
 Qui fortunatos junctus uterq; viros.
 Fortunate O Rex, cui Muſaq; Marsq; dederunt,
 Iſte, canenda geras: illa gerenda canas.

Ad Heroas Christianos hoc Poemate indigetatos

Aliud.

Reliquias flammæ, Trojanaq; rudera, Magnus
 Lustrat Achilleum dum Macedo tumulum.
 Si fortunatum magnâ proclamat Achillem
 Voce, canas numeris hunc quod, Homere, tuis.
 O fortunatos! quibus una est gloria, summi
 Vatis & ore cani, Regis & ore coli.

Prefa





Præfationis Regiæ ad Lectorem
Metaphrasis.



Æpenumero accidit, ut mortaliū actiones contrarios omnino auctorum consiliis eventus sortiantur: atq; hoc quidem, amice lector, in Naupactiade mea experientiā edoctus nō ita dudū depræhendi: Ea etenim licet nondum typis excusa in publicum prodierit, surreptitiis tamen exemplaribus, in scio certè, & invito me, divulgata in manus hominum pervēnit, & quòd præfatione non præmuniretur; perperam & sinistrè à quibusdam nonnullātenus est excepta. Enimverò præfationem mihi consultò omittendam duxi, ne eruditi lectoris ingenium ad hoc rude opusculum absque commentario capiendum imprudenter, tanquam minus idoneum redarguere, atq; inde injucundam, ac ingratam totius Poematis lectionem reddere in ipso statim limine viderer. Sed contrà accidisse video: nonnulli enim de nostro per præfationem consilio non præmoniti, eo quadamtenus perperam accepto, aut detorto, rem omnem in deteriore partem arripere non rubuerunt. Et cum non ignorem hoc in primis improbari, quòd mercenarii Poetastrī instar, nullā nominis, aut religionis, quam profiteor, habita ratione, ex professo nothum, eumq; Papanum hominem laudibus efferam, exposita hujus Poematis tum naturā, seu genere; tum methodo, seu ordine; imperitum lectorem errore suo extricare, cæteris autem omnibus omnem

cavillandi ansam præcidere hîc decrevi. Poematis hujus
genus, seu naturam quod attinet, argumentum est à mi-
nori ad majus poeticâ collatione copiosè illustratum.
Atq; ad hoc quidem elucubrandum per occasionem
scelestæ illius conjurationis, & sanguinariæ in Ortho-
doxos per universam Europâ concitatæ persecutio-
nis adduci me sum passus: eâ certè primum fervente,
poema hoc qualitercumq; à nobis exaratum prodiit,
quod nostra illa postremis versiculis sub calcem hujus
opusculi ad afflictos Evangelicos adtexta *πρὸς τοὺς* per-
spicuè evincit. Quâ etenim per Gallias æstate nefarium
illud Fœdus primò est promulgatum, eadem noster hic
labor & inchoatus est, & consummatus. Cantici hujus
ordo, seu methodus hæc est. Operi universo præmissa
est poetica præfatio, in qua nec nomine, nec periphrasi
Iohannem illum Austriacum exprimo, quod profectò
factum oportuit, si poema hoc in ipsius laudes concep-
tum prodiiisset, ad exemplum Virgilij,

Arma virumq; cano.


Et Homeri,

Dic mihi Musa virum.

Quos imitari, si consilio id nostro quadrare potuisset,
neutiquam sanè puduisset. Præfationem excipit non
Divarum & Divorū (in quorum adulterinum, ac com-
mentitium honorem bella omnia Austriacus suscepit)
sed veri unius Dei invocatio. Huic subjuncta est Poetica
collationis nostræ historia, in qua pictoris instar, effigie
primùm leviter adumbratâ, mox vivis coloribus, lumi-
ne, & umbris absolutâ, promiscuis rerum gestarum cir-
cumstantiis, prout artis Poeticæ leges ferunt, nonnun-
quam addo, nonnunquam etiam, ubi commodum vi-
detur, detraho. Poeticam hanc comparisonem
con-

An. Chr. 1585.
Ætatis Re-
giæ. 18.

continenter excipit Angelorum Canticum, in quo premissam comparationem afflicto tum Ecclesiæ statui accommodo, arreptaq; inde occasione, paucula de religione confidenter profiteor. Postremò totius poematis Epilogus novissimis octo versiculis scopum, & finem mihi propositum perspicuè declarat, meumq; à minori ad majus comparatorum argumentum ita planè, & plenè explicat, ut ista persequi citra pudendam ταυτολογίαν sit nefas. Tandem ut rem omnem in pauca contraham, quantumcunq; Johanni Austriaco honorem hîc vindicamus, ejus tamen in hac palmâ obtinendâ, non tanquam primariæ, aut secundariæ causæ, sed tanquam privati hominis, historica veritate ita exigente, meminimus: nam ut à nostra dignitate alienissimum est, cujusvis mortalis laudes mercenario stilo decantare, ita certè infra fortunæ regiæ apicem est, ac fastigium, cujusvis mortalis vel amore, vel metu à scribenda, aut profitenda veritate vel tantillum dimoveri. Iam prolixiorē hanc, amice lector, Apologiam, ad quam non meo genio, sed necessitate quadam impulsus sum, boni consule, & Vale. *Edinb. Prid. Cal. Maias. 1588.*



Naupactiados Regiæ, Metaphrasis Poetica.

G *Est* Dei miranda cano, Bonitatis ab alto
Insignem Miserantis opem; revolubilis axe
Ætheris effusas Ira indignantis habenas;
Armaq; & horribilem duro certamine Martem,
Commissasq; acies; dubiisq; furentia signis
Agmina; sanguineum miserando funere pontum;
Vulnera multigenis cumulata horroribus, ardent
Fortè Corinthiacas dum bella insana per undas,
Infestisq; fremunt armis, recutita profani
Hinc Selimi turba; hinc Christi mundata lavacro
Sanguineo sordes acies qua pellit avitas
Une Deus, tu trine Deus, ter hypostasis una,
Tres simul aeterni, tres omnipotente coæqui
Numine; personis, mirum! O Deus une, ter unis.
Omnipotens genitor, supplex tua numina posco
Per Verbi, Natiq; tui venerabile nomen,
Primus in ætherias, jus imperiumq; phalanges
Qui tenet, & studio peragit tua jussa fideli,
Huc ades, O! nostros supra hæc mortalia sensus
Effer, & invalidam Sacro Spiramine musam
Imbue, qua terras cantet tua gesta per omnes.

*Tempus erat (sed adesse Deo nos nulla putamus
Tempora, nam lapsis præsentia, lapsa futuris
Non vari^{us} iruunt: at terras perpete Phoebus
Lampade collustrans, alienis splendida flammis
Lunaq; perpetuis redeuntia tempora giris*

Incerto, ast certo pariunt, variantq; meatu:

*Hora, dies, noctes, veniunt hinc mensis, & annus,
Perque vices redeunt. Sed mens humana, profundis
Corporeæ quæ molis hebet fuscata tenebris,*

*Ut nequit æternas acie discernere leges,
Suevit ad humanum divina affingere sensum)
Quum Deus Angelicis, visu mirabile ! turmis
Circulus, & ad dextram Christo insignitus Iesu
Iam summa Empyreï celebrans prætoria cæli
Undique diffuso clarus fulgebat honore.*

*Interca cantus scelerum fabricator, & Orci
Luridus impostor, fallax veterator, Adami
Stirpis, & infandus Superum sese ingerit hostis.
Haud mora, Christicolum sortem miseratus iniquam
Androtheos, monstriq; feri commenta perosus
Talibus immanem petit indignatus hyenam.*

*Non artes, astus. ve tui; non subdola fallunt
Consilia, ut magnâ Byzanti Impostor, ab arce
Iam ventas, tumidis sponte insultantia Turcis
Pectora, jam rabidas & ut inflammari ad iras,
Ne populi pars ulla mei, qui dia veretur
Numina, sacrilegos Turcarum evaderet ausus.
Quò tandem, Pater, isque tuos cludet acerbis
Barbaries Otomanna malis, ut cade piorum
Latus, & immani Satanas de clade triumphet.*

*At contra, hæc Satanas. O quàm pietasq; fidesq;
Turcig nunc fumo, Zephiriq; est vanior auris,
Christicolumq; simul? numquid certatur utrinque,
Quis magis averso recti de tramite cursu
Devius in vetitos flectat vestigia calles?
Numquid & infamem vitis tu juris utrumque
Permittis, Deus, e se mei, securus ut illos*

Arbi-

Metaphrasis Poetica

13

Arbitrii pro lege mei rapiamq³, ruamq³?

*Tum Pater aethrius, rerum cui summa potestas,
Cujus ad exiguum tremefacta cacumina nutum
Montibus insiliunt, minima qui accensus ab ira
Scintilla, horribili trepidas stridore cavernas,
Antraque, & effractis terrae compagibus, ima
Fundamenta quatit, vocis qui flamine totum,
Materia, mundum, nulla praeeunte, creavit:
Ille trahens calido fremebundas pectore voces
Talibus intonuit. Licet, Immanissime rerum,
Eloquii cum luce mei, commenta cerebri
Christicolum pars magna sui commisceat, omnes
Attamen unanimis Christum amplectuntur Iesum,
Nunc odijs absiste, meos non inde licebit
Christiadas bractis truculenti exponere Turcae
Ausibus, ut mea vis memorandaq³, gloria nostri
Nominis immensum pateat diffusa per orbem.
Ergo, satellitii Princeps fidissime nostri,
Qui populos mundi varios, divisa Monarchis
Regnaque, & innumeras, Gabriel, lustraveris urbes
Nuntius aethera caeli demissus ab arce,
Nunc Venetum maestam remea festinus in urbem,
Occultamque animis infunde silentibus iram,
Ut memores, quae damna Selym, quae funera victor
Edidit, & quantis cumulavit stragibus urbes,
Funera funeribus, damnis quoque damna rependant.
Non ita pernici vacuum per inane volatu
Horridus invehitur Boreas, juga summaque praeceps
Perflat, & excussa glomerans proludit arenam.
Quam soboles alata Dei, cui sola voluntas
Sufficit instructas pennis properantibus alas.*

Urbs jacet Adriaci tumido circumsona fluctu

14 Naupactiados Regiæ

Æquoris, Ausonio distat quæ littore quinque
 Millibus, undantes propter maris undique fluctus,
 Esse tamen Superi cui non licet insula ponti:
 Unde situs Marci summa ad pinnacula templi.
 Fluctibus in mediis solida tellure vacantem,
 Sed tamen immotam stupidus mira beris urbem.
 Nempe, quod impatiens terra Natura negavit,
 Hoc studiis humana suis solertia tandem
 Præstitit, undanti maris indignantis in æstu
 Defixa & trabium silva, condensa locavit
 Fundamenta, maris domitrix quæis leta superbit.
 Hic spatiosa, foro celebris, patet insula; Marci
 Tutelare præit numen: præfulget honore
 Dux vigil, & socio moderatur cuncta Senatu.
 Hic Thetidis furias, tumida sç, ut mulceat iras,
 Annua solenni pangit sponsalia ritu.

Hanc ubi Dædaleam Princeps descendit in urbem
 Angelus, humanos habitus, vocemq, colorémque
 Accipit, & tacitus fluitantia permeat urbis
 Compita, cùm studiis clarus pietatis, & equi
 Civis oberrantem alloquio remoratur amico,
 Cui Gabriel tales promittit de pectore voces.
 Quid geritur? quid adhuc ignava per otia vitam
 Perdimus? immeritos numquid noctesque, diésque
 Effera vis Selymi vexat? permulta Ducúmque
 Exanimata jacent Mavortia pectora? numquid
 Turcicus obstructas tenet obsidionibus arces
 Miles, & assiduo miseros premit undique luctu?
 Eia age, quæ mediis vitam sortimur in armis?
 Iam pudeat cessasse: Deus conatibus usque
 Fortibus, & ceptis favet usque audacibus. Hæc ut
 Dixit, in ætherias fugiens evanuit auras,

Consi.

Consilij sed fama omnem diffusa per urbem
Fertur, & argutas ubi plebi irrepsit in aures,
Hausta semel, placuit cunctis; postrema Ducemque
Impulit, & summâ mirum gravitate Senatum,
Concussitque animos, bellique reduxit amorem.
Interea vario jactata Venettia planctu
Contremittit, ut Turcam bello franare superbum
Iam nequit, ut Cyprus longum oppugnata profanis
Hostibus in pradam cessit, vastataque ferro
Regna procul Latiae distantia finibus ora.
Obstupet hic tandem, tandemque (novissima cunctis
Quae superest medicina malis) ubicumque per orbem
Christicolum sacros templa instaurantur ad usus,
Impetrat assiduis precibus divina vocari
Numina, quae tristes solvant miserata dolores.
Iam celum Venetus pernoxque, & perdiu unum
Spectat, & indocilem jejuno verberare carnem
Castigat, querulisque Deum succumbere votis
Sollicitat: gemitu taciturna silentia noctis
Exagitata gemunt, miserè totamque per urbem
Singultus, planctusque sonant, & lumina luctus
Tristibus obscurat lacrimis: merorque, dolorque
Prosternunt validam periniqua morte juventam.
Femina, sopitis ex sanguis frigore nervis,
Semianimis prostrata jacet: palmarius infans
Ubera demulcens lacrimoso undantia lacte
Ut videt abjectam, lamentantemq; parentem,
Hanc sequitur luctu docilis consorte, piusque
Commovet attonitas trepidis vagitibus auras.
Nobile quinetiam genus averfata juvenus
Pallida lugubri vestita incedit amictu.
Quin lacrimis, gemitu, planctu, meroribus horrens

*Sol stupet, oblitus mundi, auctorisque, sui que,
Oceani tremulis citior se condit in undis.*

*Non semel infamis tenera cum Matre Cupido
Obrutus innumeris, gravibusque doloribus, audet
Flammiferas vibrare faces; non tela, nec arcum
Tangere: Circumeunt ceu spumea fluctibus urbem
Æquora; ceu liquidis vicos mare pelluit undis,
Sic mediâ suspensa domo laquearia tristis
Fletus, & auratos lacrimosum flumen honores
Obruit. Horrisono veluti mare murmure fluctus
Concitat, & furis resonantibus astra lacescit,
Sic domus interior miseris plangoribus, omnis
Testudo Empyreï resonâtque altissima celi.*

*Musa, dolor! dolor! infandos, mea Musa, dolores,
Et tremulum mihi siste pedem, ne impulsâ querelis
Ilia rumpantur, lacrimis quoque vena redundet.*

*Hic status, hæc Venetos fortuna miserrima cives
Obsidione premit, Solio cum missus ab alto
Angelus ætherius, populumque, Ducemque, Senatûmque
Incitat acceptas bello reparare ruinas.*

*Nec mora Christicolas in fœdera sancta Monarchas
Sollicitare labor fervet, qui classe, virisque
Se sociant, armisque doment communibus hostem.
Hinc stabili tandem bellum iurata profanum
Sacramenta fide sanxere; piûmque Monarchæ
Conceptis fœdus verbis pepigere futurum,
Dum Turcis, Christi que piis infesta manerent
Bella, sed ut certo gererentur bella paratu,
Vere novo placuit per Eoi marmora ponti
Classem turrigeris validam concire carinis.*

*Ergo vacaturi studiis Martisque, marisque
Messanæ procures, ingentia nomina, tandem*

Ad.

*Adveniunt, sociisque parant communia curis
Austriades quinti soboles Mavortia Carli
Armorumque, virumque caput: Martisque propago,
Et Veneris Venetâ magnus Venierius urbe
Ductor: & afflictis Genuæ certissima rebus
Anchora, terribilis rapido Neptunus in alto
Aureus; & Romæ columnæ, bellique Columna.
Hic ubi congressi, longis sermonibus ista
Addidit Ascanii sapientia provida Corni.*

*Magnanimi, fortesque duces, armisque potentem,
Numquid & instructam generoso milite classem
Ducitis? Heroas quæ causa indigna paratos
Cominus infestis prohibet concurrere signis,
Fortuneque rotis dubium concedere Martem?
Non tanta adversum funesta pericula bellum
Afferet, & tristis, prohibete ô Numina! clades,
Quanta reportatis victoria læta triumphis
Commoda: cum nostris jam nulla gerantur in oris
Bella, quid infestæ metuenda est alea pugna?
Quin quoque non duræ famis insuperabile telum,
Non luc tabificæ pestis grassatur in hostem,
Solvit & immani miserandam funere classem.
Nostra nec adversa numero, nec viribus impar
Classis erit: quæ vos igitur nunc iusta moretur
Causa, Duces? jam jam totas effundite vires,
Solvite corde metum, remoreque abrumpite crimen
Causa iubet Superos melior sperare secundos.
Hoc tamen, O Proceres, animis advertite, certo
Ordine, vos certis disponite legibus arma,
Vela, virosque simul, studiis confusa priusquam
Agmina terribilem temerè effundantur in hostem.
Sin minùs, hanc seriem differtis in horrida belli*

*Tempora, magnanimos horrore videbitis atro
Attonitos pallere Duces, turbata tumultu
Castra ruent; licet ignari discordibus omnes
Precipient facienda sonis, ignota Ducisque
Munera, vix notis tyrunculus arroget armis.*

*His dictis animos belli inflammavit amore,
Nec mora, quemque suum munus rapit, armaq; leti
Expediunt, quâ quisque potest accingitur, & jam
Anchora fundatas solvit resoluta carinas.*

*Dorica Tyndaridos quondam indignata rapinam
Classis, & Iliacos bello evertura Penates
Non animis, manibus, rigidis, ve equaverit armis.*

*Huc usto & sterili perdives Iberia saltu
Contulit egregios invicti Martis alumnos
Mille quater geminos, quæ dura per omnia virtus
Compositis pugnare animis, manibusq; superbo
Atque alienigenas ciliis contemnere fastu.*

*Itala fecundis tellus placidissima campis
Huc quoque transmisit validas, bis sena, phalanges
Millia, quæ mirum est arguta mentis acumen,
Ingeniumq; capax fandi artibus, atque nefandi
Sopitam incauto vindictam afferre sodali.*

*Misit hyperboreis tria millia Teuton ab oris,
Est hominum vanale genus, belliq; ferendis
Impetibus, nulli virtute, aut viribus impar.*

*Huc quoque, quos pietas, & inexsaturabilis horror
Turcigenum vario mundi concivit ab axe,*

*Sponte suâ portum tria confluxere sub unum
Millia. Non hominum numerosis viribus impar
Clasis adest: adsunt ingenti mole triremes*

*Octo & bis centum: & toto miracula ponto;
Centauri sex immani compage minantes*

*In cælum: doctiq; Notos anteire furentes
Vasta quater deni per Tethyos arua phaseli;
Viginti & quina vasto fundamine puppes
Commoda castrensem, vectant genialia cellam.*

*Ergo ubi jam portus fidâ statione relictâ
Trudibus in vastas pelagi propellitur undas
Classis ovans, ardor magno certamine fervet
Nauticus, hic alii subito conamine funes
Expediunt, celeriq; pedem pede ferre laborant.
Hic alii antennas summa ad carchesia ducunt,
Et placidis implent fluitantia carbasa ventis.
Parte alia ductis remex ad pectora, tonsis,
Incumbit transtris, & lento verbere fluctus
Summovet invitus, scutica cui pronus habenis
Instat, & abstrusas languenti à pectore vires
Elicit increpitans plagisq; minisq; magister.
Eruta finduntur crebris Neptunia sulcis
Æquora, & à fundo impulsis freta fervida remis
Versa ruunt circum latè spumantibus undis,
Sulfureo scloppum exonerat sclopparius igne,
Horrificoq; quatit tonitru mare plumbeus imber.*

*At Draco, Tartarei monstrum lethale baratri,
Cui lites, odiumq;, & bella ferocia cordi,
Vidit ut unanimes armari in praelia, neçtit,
Quâ potis est vafer arte, moras: rixisq;, minisq;
Christicolas inter jacet immanissima belli
Semina, sed Procerum prudentia rara, Ducisq;
Pervigil ingenium pravas melioribus artes
Artibus elusit, stygio emissasq; baratro
Disidii primo flammâs exstinxit in ortu,
Compositos docuitq; animos, aterna caducis,
Publica privatis præponere commoda rebus.*

Protinus in primas Selymæi littoris oras
 Fama volat, monstrum quâ non deformius ullum,
 Illa ad supremæ ventosa cacumina turris
 Excubat insomnis semper vigil, obvia sensu
 Cuncta ardens fallace rapit, Zephyrôque procace
 Ocyor excurrrens facta, atque infecta referre
 Precoloquax gestit, permenso & garrula mundo
 Vana magis solidis præfert, commentâque veris.
 Hæc jam multiloquis Turcas rumoribus implet
 Christigenas coisse duces, aciêmque coactam,
 Quæ paret acceptas bello sarcire ruinas.

Ut primùm hæc patuere, citus speculator in altum
 Mittitur; instantem simul exploravit ut hostem,
 Regreditur portum, certo rêmq; ordine totam
 Apperit, at numero se, mox Selymûmq; fefellit.
 Quippe ubi Christiadas inita ratione cohortes
 Supputat, inventus vero leviôrque, minôrque
 Colligitur numerus, vano inde superbia fastu
 Turgida perfudit Selymo præcordia fastum
 Contemptus comitatur iners, securâ malique
 Segnities, pestis, qua non funestior ulla,
 Magnâque per paucis subvertere castra manipulis
 Doctior, haud Ducibus concepta impunè superbis.
 Exin vela dari, classêmque edicit in æquor
 Detrudi Selymus; pro vecta, urbésque, sinúsque
 Remigio superans, unco fundata bicorni
 Tota Corinthiacis tandem considit in oris.
 Iam Messaneam Christi cùm exercitus urbem
 Appulit, auratos blandis decorabat aristis
 Flava Ceres campos, ridenti messe laceßens
 Falcibus armatos segetem tondère colonos:
 Iam quoque pomorum gravibus proventibus arbor

Stipite

*Stipite succiduo nutabat onusta: recoctis
 Puniceus ramis, nulla quassante, cadebat
 Imber : & in latos Bacchi genialis honores
 Ad numerum rudibus se conglomerabat in orbem
 Motibus agricolum chorus, oppressusque Lyæo
 Torpida in exanimem solvebat membra quietem.
 Martia sed Siculo cum classis in æquora portu
 Solvit, & Oceano se credidit, arva rigebant
 Fætibus orba suis, squalebat pampinus uvis
 Pallida calcatis, fame languentesq; cadebant
 Exsuccis frondes ramis, & marcida valles
 Implebat membrana: novus revocabat arator
 Sub iuga desuetos arva ad renovanda juvencos.*

*Iamque propinquabant acies, multumque fremebant,
 Præcursor cum promptè animos Venierius addit
 Ingenuo, mendace tamen rumore, profanas
 Nempe sagax decies quinas formidine victas
 Præcipitante fugâ monet evasisse triremes.
 Christicolis famâ hac Martis furiosa cupido,
 Bellandique accensus amor, spirantibus acrem
 Pectoribus Martem, subeunt sinuosa Corintheta
 Æquora, Mavortique parat se quisque propinquo.*

*Atque ea diversa penitus dum parte geruntur
 Iam pater Omnipotens, acie qui providus acri
 Singula dispiciens, fatorum præscius auctor
 Destinât, inque suas constanti tramite metas
 Dirigit, astrigero terram spectabat Olympo:
 Hinc comes arridens hilari Clementia vultu,
 Inde supercilio, rugisque Astræa protervis
 Assidet, hæc Domini languentes asperat iras
 Continuo, gravibusque monet commissa piare
 Crimina suppliciis, gemitu, lacrimisque replere*

Intima tecta, vagis tristisque ululatibus agros.

Altera sedato patrii succendit amoris

Alloquio flammis, irataque pectora mulcet.

At Deus adversam placidâ moderatur utramque,

Temperie, laxas irata effundit habenas

Iustitiæ rarò, Bonitas viget, atque vigebit

Integra, non ullo sæculo interrupta, nec ævo.

Quin quoque, quâ mundi discordia crimina pendit,

Æqua est libra Deo, Bonitas hanc prona ministra

Porrigit, & precibus supplex ardentibus urget,

Vt Mahometicolum perpendere crimina iudex,

Christicolum trutinâ simul & dignetur in una.

Hæc ubi perpendit, vergens examine prono

Lanx Mahomata piis gravior præponderat, unde

Irarum indomitos animum commovit in æstus

Turcarum impatiens, horrendum infrendit ore

Omnipotens, pallore ingens stupefactus Olympus

Contremuit, tellus penitis agitata latebris

Horruit, attonitus fundo mugivit ab imo

Oceanus, summo trepidarunt vertice montes,

Horridaque, obscuris Plutonia regna cavernis.

Ergo ubi purpureis tenebras Aurora quadrigis

Dispulit, atque diem jam jam cassita propinquum

Nuntiat ore canens tenui, vultumque sequaci

Instabilem pelago demergit Cynthia, pulsus

Cæruleum Titan nebulisque, inducit Olympum,

Immane horrendi signum Mævortis, Iberus

Sanguineum mali vexillum in vertice pandi

Imperat. In celebri velut urbe Aurora cubantes

Cum citat artifices, sua quemque ad pensa: labori

Quisque suo parat arma: libris elementa futuris

Chalcographus jungit: vivum referentia pictor

Com-

*Commiscet pigmenta: faber sub cote securim
 Impiger exacuit, nunquam cedente retusas
 Asperat hic acie limas: hic arida subdens
 Nutrimenta suis vitriarius ignibus, audax
 Ignea perpetuam vocat in certamina Vestam,
 Planitiemq; dolat latomus rude marmor in aquam.
 Sic ubi Christiadum pugna manifesta cohortes
 Signa dari advertunt, premit exsultantia palmam
 Corda referre decus, vel certa occumbere morti.
 Expedit ignivomos Vulcania secta labores,
 Fulmina, & indomitum domitura tonitrua pontum:
 Hic gladios polit ancipites, flammamq; vomentes
 Cotibus, hic nervis arcus, jaculisq; pharetras
 Instruit electis: poliunt thoracas, ahenis
 Constringuntq; hamis alii, sua carbaso nautæ
 Accelerant agiles: discors viresq;, animosq;
 Extorquet clamor subterq;, superq; ruentum.
 Haud aliter fremitu mussant examina denso,
 Cum festina favos, & dulci nectare cellas
 Distendunt: proprio distincta emblemate cernas,
 Ut Zephyrus vexilla furens, ut aplustria gaudet
 Ludibrium vacuo fluitantia prodere cælo.*

*Nec minus ingentes volvebat pectore curas
 Austriades, non tantum alios tormenta, rudentes,
 Fatiferiq; enses, arcus, celeresq; sagittæ
 Exagitant, acie quantum forma illius angit,
 Ambiguamq; trahit studia in contraria mentem.
 Ast inito celebri tandem Procerumq;, Ducumq;
 Consilio, placuit rediviva ad cornua Lunæ
 Curva tripartito ducibus disponere classem
 Ordine. Jam medii robur, validissima, belli,
 Agmina, ductor agit Princeps. Genuana juventus,*

24 Naupactiados Regiæ

*Et dextri regimen cornus cessere Columnæ,
Levâq, belligerâ ducit Venierius arte.*

*Sic ubi Ductor Iber aciem digesserat, omnem
Remigio classem circumlegit, ardua primis
Pectora succendit ducibus: quin, nomine quemquam
Dignatur stimulare suo, memoriq, precatur
Expendant animo, quàm justa, & sancta coactos
Causa pios moveat sceleratam exscindere gentem,
Quantus honos fuso redimendus sanguine, merces
Quanta manet victricem aciem: redimenda piorum.
Agmina servitio quot &, heu! quantumq, Tonantis
Gloria conflictu subeat discrimen in uno.*

*At Mahometicolum ducat si effrena triumphum
Barbaries, victis Christo credentibus, addit
Vincula, & horrendis ergastula lurida pœnis,
Torquendis longo captis fabricata dolore.
Vocibus his, gestuq, alacri, vultuq, sereno
Christicolis Princeps oculos, auresq, animosq,
Omniibus erexit; palmæ hinc præsaga future
Vox oritur cunctis magno, Victoria, cantu.*

*Turcicus haud aliâ prodit exercitus arte,
Quem duo, barbarico dicti de nomine, Bassæ,
Imperio frenant; Alio maris alea certo
Obtigit imperio, sors est tua, Portave, telus:
Hi medium belli ducunt, duo fulmina, Bassæ,
Agmen, & indomitas Ochial in leva cohortes
Cornua: tu dextras moderaris, Beie, phalanges.
Ergo ubi Barbaricos aciei, classisq, paratus
Lustravit, tali est Alius sermone loquutus.*

*Si, Iuvenes, prima repetens ab origine pandam
Secula quot semper victrix Otomanna peregit
Progenies, dextra quoties domitrice rebelles*

Chri-

Christicolū dignis repressit cladibus ausus,
 Et quantis, vos! vos! dudum sopita novantes
 Prælia semiviros sudistis stragibus hostes:
 Quis, precor, ardenti pectus non aestuet irâ,
 Cum pulsos videat semper, semperq; subactos
 Ardua semiviros audere in prælia, nobis
 Et partum extorquere decus? victoria largam
 Ista dabit prædam: quæcunque Eurôpa capaci
 Dives habet gremio, patrias referetis in oras.
 Sin acie fusos, victosq; everterit hostis,
 Infames spectate cruces, tormenta, dolores,
 Et misera varium mortis genus, antè subactis
 Quæ mala Christiadis vestra inflixisse libido
 Gestiit, hæc eadem multo cumulata rependent
 Fœnore: quasitam benè famam infamia turpis,
 Infandus laudem pudor, ingens gaudia luctus
 Obruet, & nullis revirescet gloria sæclis.
 Nunc animis opus est: enses, hastilia, glandes
 Diriget instantes divus Mahometus in hostes.
 Sed tamen hoc vereor, dum vos in bella ruentes
 Vocibus his teneo, Christi tremefacta capeſſant
 Castra fugam. dixit, fremitu, plausuq; sonoro
 Grata Ducis cunctæ testantur verba cohortes.
 Phæbus ut adverse instructis micuere phalanges
 Ordinibus, nitidis aciei splendescit in armis,
 Fulgurat, & rutilans liquido tranantia ponto
 Squammea percellit tremulis examina flammis.
 Bellatorq; pius radiorum luce coruscans,
 Turcigenis, hebetat, multum indignantibus, ora.
 At regnis magis ipse suis volucrisq; levisq;
 Æolus aspirat constanti flamine Turcis,
 Congressum tamen; O bonitas miranda Tonantis!

*Anticipans paulo, fidus se transfuga fidis
Jungit, & infestis primus jaculatur in hostem
Flatibus: agnoscunt palmae præsaga Fideles
Omina Bellipotens cæli proponere Numen.*

*Oceani interea quatefacta palatia terrent
Horrida raucifonis tormenta boantia bombis.
Bellonamque in bella vocant, rapidumque Gradivum
Ignivomo procul ore: tubæ clangentis ahenu
Præco citat cunctos, Martisque inflamat amore.*

*Hem! quid? egon gestas acie res, singula belli
Momenta incultis depingam versibus? ac si
Spumantem tetro vidissem sanguine Martem,
Terribilemque, potens qui jura, & fræna, Tonantem
Dat Marti insano: procul! O procul absit! in ipso
Qui belli fervore manus, mentesque furebant
Indomiti, vivam si quando effingere tentent
Historiam, victi rerum sub mole fatiscunt.*

*Huc tamen audentem cum me temerarius ardor
Traxerit, auspiciis Domini, placidisque legentum
Plausibus erectus, concursus carmine duos
Persequar, ut Phæbi radiis percussa colorem
Corpora Phæbeum referunt, sic forsitan umbram,
Signaque gestarum referent mea carmina rerum.*

*Hæc data Chresticolis ubi bella est tessera, jam sex
Centauri visu immanes, qui prima ruentis
Cornua firmabant classis, pelluntur in hostem.
Ut primum ignito concepit fomite pelvis
Sulphureus flammam, rimæque illapsus ahena
Turbine terribili penetralia tormentorum
Excutit, horrissono tonitru cælum omne remugit,
Astræque commotis resonant excussa quadrigis:
Fimæ caruleas atronox sulphure nubes.*

Obruit

Obruit, insanis tempestas sæva procellis
 Irrumpit: clavorumq̃, uncorumq̃, globorumq̃,
 Atque catenarum volitantum ferreus imber
 Ingruit, & Selymas ingenti strage cohortes
 Involvit: tantis mistus reboatibus atrox
 Clamor, singultus, planctus, tristisq̃, ululatus
 Vulnere stratorum, diversa & morte cadentum
 Aëra luctifono percellit murmure, Pontus
 Ipse tremat, vitrei, cives, pinnata, profundis,
 Agmina, concussam effundunt formidine vitam:
 Cuncta licet gelido tremarent horrore, metuque,
 Non metus, horrissonisq̃, fragosa tonitrua bombis,
 Non clamor, non singultus, tristisq̃, ululatus
 Fregere arduos Turcis audacibus iras.
 Quin animis, armisq̃, truces inflicta laborant
 Solvere damna Pii. Tonat ingens ore sonoro
 Machina, sulphureo vacuatus pondere stridet
 Horrendum tubus, Austriadas ita cadibus implet,
 Cæsa repugnantes ut aequet turba cohortes,
 Adria sanguineis ut turbidus aestuet undis.

Non tamen hanc placidam fortuna volubilis auram
 Turcigenis dedit esse diu. Tormenta boatu
 Christicolum crebro eructant lethale volumen,
 Quod præcepit, rapidoq̃, evertens obvia pulsu
 Obvallat stygiam numerosa morte paludem.
 Portitor haud animas unus, non una profanas
 Cimba capit, gemat usque licet sub pondere, multam
 Accipiatque frequens stagnantem immersa paludem.
 Dum natum pater hortatur, mox ferrea tundit
 Sphæra patrem in multos atomos partita; gementem,
 Et dubium vitæ natum prætervolat: audax
 Militibus facienda suis dum fortè Tribunus

Admonet, infensum, trajecto gutture, telum
 Impedit offuso vitam, vocemq; cruore.
 Inde phalanx densum cuneum firmabat, ab hoste
 Murmure cum stridens crepero globus advolat, auras
 Per medias ruit indomitus, cacoq; cruentus
 Delectu impulsos trudit decimator in Orcum.
 Iamq; ita vesano resonabant cuncta tumultu,
 Ut non ulla ducum miles præcepta monentum
 Auribus accipiat, sibi dura per omnia miles,
 Dux, & miles adest; memori præcepta revolvit
 Mente, rudis primâ didicit quæ tiro juventâ,
 Durâq; magnanimâ virtute pericula temnit.

Dumq; ita longinquis pugnantes eminens armis
 Missilis insigni tempestas strage fatigat,
 Contiguus congressus adest, propiora triremes
 Bella gerunt, manicis coeunt, uncoq; rapaci
 Amplexum hostilem rapiunt, lateri latus heret
 Impactum, oppositis stant rostra allisaq; rostris.
 Iam pavor excutitur, segnisq; ignavia; reddit
 Audaces spes nulla fugæ, pontusq; timori
 Inivus. Heroûm destricto fervida virtus
 Ense furit, teretiq; caput, quâ gutture pendet,
 Amputat, exanimum prosternens vulnere truncum.
 Hostica dum telum hic suspensa per ilia mittit,
 Dilecti imprimis tremulo celer hostis amici
 Transadigit pilo femur: hinc mucrone gementem
 Dum Pius elidit vitam, lethalis arundo
 Excipit incautum, inferias huncq; immolat umbris.
 Turca repugnanti scapulas dum fortè fidei
 Transfigit jaculo, vindex venit hasta, nocentem,
 Perterebratq; manum. Remex non segnior istis
 Bella movet, servile genus, lapidumq; procellas

Letiferas

*Letiferas ciet: obscuris his splendidus armis
 Sæpe cadit Ductor: pectus, crux, terga, lacertos,
 Frustraq; dispersi videas contusa cerebri.
 Nec minus horrendos edunt tormenta boatus,
 Quis simul ut flammam immisit jaculator, ab hoste
 Glans volat, huic solido rumpens cava tempora plumbo.
 Iam licet horrifero tonitru commotus Olympo
 Fulminet Omnipotens, nulla tamen aure tonitrum
 Accipiant acies, tanto tormenta fragore
 Ingeminant, tanto tinnituq; ensibus enses
 Conserti strident, validis vibrata lacertis
 Pilaq; & errantis vacuum per inane sagittæ
 Murmur, inhorrescant gemitus, planctusq; dolentum
 Vulnera, clamores, & inania iussa bonorum
 Crebra ducum, abruptis resonant fragmenta carinis.
 Nunc freta concreto videas stagnare cruore
 Mosaica Phariis virgâ seu contigit undis.*

*Haëtenus ambigua concurrere sorte placebat
 Numinibus, Fortuna, tuis quæ fronte serena,
 Et torvo inconstans vultu frustraris utrunq;
 Hic fera Germano certans Bellona Gradivo
 Cedibus, antiquas a vide grassatur in artes.
 Quò magis infanda bacchatur cade Gradivus,
 Et numero minor est acies, magis aggerat iras
 Et furor, & misto gravis indignatio luctu.
 His aurâ aspirat placidâ modò, gratior illis
 Mox animos reficit lapsos victoria, jam jam
 Instaurare novo credas certamine pugnam.
 Heu! miseret, gelidoq; tremunt horrore capilli,
 Christicolûm subit ut miseranda cladis imago:
 Dædala me series, & inextricabilis error
 Implicitum tenet, Omnipotens, Spiraminis Almi*

Ceca mihi deduc filo vestigia, portum
 Euge! euge! optatum video! gaudete, Fideles!
 Aurea jam properis volat huc victoria pennis.
 Hoc dum successu fremerent utrinque phalanges,
 Duëtor Iber partes oculos deflectit in omnes,
 Non procerum, non ulla ducum præclara moratus
 Nomina, defixis Alium generosus in unum
 Luminibus ruit, haud alius deponitur armis.
 Ergo ubi correptæ manicis hasere triremes,
 Consimili ac ipsas, fortuna incerta, cohortes,
 Exercet levitate duces: nam quatuor ex quo
 Turrigeræ magno tonitru fremuere triremes,
 Fulmineo scloppi vomitur flammantis ab ore
 Plumbea grando, cadunt funes, cæsiq; rudentes,
 Strata cadaveribus squalent tabulata cruentis.
 Jam pilis, jaculisq; & acuto cominus ense
 Certatur, primis cum palma affulget Iberis.
 Magnanima siquidem juvenum stipante caterva
 Ipse animis flagrans Alianæ impervia turris
 Adfilit indomito dux propugnacula furore,
 Confestim irrumpit, celsam totisq; triremem
 Viribus ingreditur, nec & hic subsistere longum
 Fas erat, hunc etenim Bassa exundantibus actus
 Fluctibus irarum grassantem robore, viq;
 Excipit invicta, pulsum, fusu nq; triremi
 Exigit: ingenti Herois & strage fideles
 Submovet: Austriades stragem indignatus acerbam
 Indomitum furit, hinc virtus Mavortia vires
 Suscitatur, hinc pudor, hinc rabido indignatio gestu
 Pectora terribiles animosa flagellat in iras.
 Stat casus renovare omnes, ingentibus ausis
 Vel reparare decus, vel mortem laude pacisci.

Metaphrasis Poetica.

31

Quin modo percussis redit in praeordia virtus
Militibus, denso restaurant agmine Martem.
Irruit Austriades rapidus, non arma, nec ullus
Bellator sufferre valet; jam Bassa supremum
Perfugium, puppis vanum sibi querit asylum.
Cum Macedo, Macedum decus immortale, suoque
Dignus Alexandro, vivam speraptus honorum
Involat, infelixque caput rotat ense, Ducique
Donat ovans victor non indonatus Ibero.
Hoc ubi supremi defixum in vertice mali
Turcigenae videre, fugam meditantur inanem
Precipites, diram victor quam cede coercet:
Nec Selymo tanta redisset nuntia cladis
Fama, nisi fuis Melitani heroibus albi
Ter denis, Ochial, remeasset forte carinis.
Jam patuit vicisse Pius, gratesque benigno
Persolvere Deo, & leti duodena Piorum
Millia servitio numerarunt rapta profano.
O decus, Austriaci clarissime nominis Aster!
Splendorem truculenta tuum quid fata? Sorores
Lanificae ceco tantum invidere quid orbi?
Quid micuisse tibi, non illuxisse licebat?
Interea Pontonox pallida surgit opaco,
Et placidam Morpheus demulcet lassae quiete
Corpora, sopitis mollitque animalia curis,
Cum vigiles Veneti dubiis eventa morantur
Mentibus; optati spes exsultantia tollit
Corda, sed hanc miserae cladis formido coercet:
Nolentes audire volunt, noluntque volentes.
Ast ubi Turcigenas memoranda strage subactos
Aurea fama canit totam diffusa per urbem,
Virginibus mistae matres, hilarisque puellae

*In medium salière forum, sociæq; choreas
Instituunt, quarum Princeps præit omnibus odâ,
Quam reliquus dulci modulans chorus excipit hymno.*

Chorus Venetus.

Eiâ, Deum, Veneti Juvenes, cantate, Senesq;
Hunc dulci vox alta canat modulamine, voci
Et comes accedat testudo, tubæq;, fidesq;
Et quacunque movent hilares concentibus aures.
Eia, bonum laudate Deum, facilēque parentem,
Cujus in afflictis nituit clementia rebus.
Nam modo cū rabies Selymi furiosa tyranni
Cassibus implicitos, & athena compede vinctos
Impediit, bonitas Domini miserata dolores
Cassibus expedit, laqueos, artēque nefandas
Vertit in hostiles, mundo mirante, phalanges.
Eia Deum, Veneti Juvenes cantate, Senesque,
Nunc juga qui nostro excussit servilia collo.
Mortifera scelerum contage infecta luamus
Pectora, sacratam Domini properemus in adem:
Et laudum ætherios superemus cantibus orbes.
Non classe indomita, non vi, non arte, nec armis
Sed Jovæ auspiciis tumidum calcavimus hostem.
Hunc tubar aucifonis celebret clangoribus, hujus
Cymbala decantent benefacta, & tympana grates
Huic pulsata canant; lyra, tibia buccina laudent,
Barbitus, & motus quacunque sonantia chordis.
Eia Deum, Veneti Juvenes, cantate, Senesq;
Nunc juga qui nostro excussit servilia collo.

*Dum Venetis blanda mulcentur cantibus aures,
Languidus ignavos torpor mihi serpit in artus,*

Et

Metaphrasis Poetica.

33

*Et caput enervum sponte in sopita recumbit
Pectora, defessos palpèbra obnubit ocellos.
Pigra soporifero manus obstupefacta veterno
Non calamus, pluteumve regit, me torpidus omnem
Somnus, & incerta certissima mortis imago
Occupat exanimem : cum mox, quæ cornea pandit
Porta viam, mihi tranquillis Deus aureus alis
Morpheius obrepit, variis cui cedere formis
Ipse velit Proteus : hujus mihi numine longis
Corpora solvuntur curis, & turbida vite
Tædia pacifico cedunt mollita sopore,
Cum chorus interpretes Superum, divina propago,
Visus in obliquum glomerari his cantibus orbem.*

Chorus Angelorum.

E*la Deum, Aligeri Fratres, celebremus, & omnis,
Succiduo nitidi qui poplite Presbyter Agni
Genua colit, resonent ejus cælumq;, solumque
Laudibus : æternus fuit, est, semperque manebit
Hic Deus, in trino Deus unus, trinus in uno.
Hic Deus in nihilo vastæ fundamina terre
Condidit, ardentes globulis stellantibus orbes
Finxit, & ex nihilo, tellus quæcunque capaci
Complexu, & cæli testudo volubilis ambit,
Hæc regit, hæc stabili firmissima lege tuetur,
Hunc magis, atque magis canemus ubique Parentem,
Qui numen, nomenq; suum celebrare volentes
Prosequitur patriæ miro bonitatis amore.
Quin nec inexhausti tantum beat ubere cornus
Hos Deus, æternis signata volumina Fastis,
Et certam eloquii constanti pectore normam*

E

Qui recolunt; verum & vani commenta cerebri,
 Stultaq; divino miscent qui insomnia verbo.
 Testis erit toti per sacra perennia mundo
 Palma recens, summis merito decoranda triumphis,
 Que data fucatis Christi est cultoribus, audent
 Qui Chaos ætheriis miscere informe Libellis.
 Si Pater Omnipotens tanto dignatur amore
 Immunes turpi scelerum se labe professos;
 Hic Deus, o quantis cumulabit dotibus illos,
 Qui scelerum sese baratrum lethale fatentes
 Præsidium statuunt solum Bonitatis asylum?
 Si Deus auxilio reficit, quos nulla salutis
 Spes tenet, & dubiis fidei jactantur in undis;
 Quanta piis dabit afflictis solamina, quorum
 Cordibus incidit vitæ monimenta beatæ?
 Si Deus instantis lethi de faucibus istos
 Eripuit, quorum impietas furiosa colendos
 Indigetes, multosq; sibi fabricavit Iesus,
 Continuis Dominum precibus quæ turba fatigat
 Unigenam, solumque unum veneratur Iesum,
 Quid mortem? aut Stygia metuat tormenta Gehennæ?
 Hic si crusticolas inimicis liberat armis,
 Qui, scelus horrendum! O Satanae furiale venenum!
 Orbiculata colunt ioculari crustula ritu,
 Quâ tandem emeritos Dominus mercede beabit
 Christicolas, quos non Draco, lucrum, flamma, nec ulla
 Arma salutifero poterunt divellere Christo?
 Si mansueta Dei patet his Clementia, quorum
 Frontibus impressum stigma est lethale, character
 Sacrilegi fraudum, & scelerum patris Antichristi,
 Cedibus infandis, flammisque voracibus atrox
 Qui lupus innocuum Christi insectatur ovile.

Vigetur

O igitur! quanta immensi diffundet amoris
Flumina Christicolis, misere quos horrida vexat
Impietas, quorum electis insculpta leguntur
Frontibus aeterna signa expressissima vitae?
Has Deus errorum tenebras, noctisq; profunde
Nubila, quae caca involvunt caligine mundum
Discute, multiplici finemq; impone labori.
Eia Dei rerum Domini, belliq; potentis
Aurea dulcisono Bonitatem ad sidera cantu
Tollite, cui magni par nil habet orbica mundi
Machina, vos ejus cantate encomia: & uno
Dicite, Bellipotens Sancte O, Sancte ô Deus, ore.
Hæc ubi dicta, chorus tenues vanescit in auras,
Claraq; depulso redeunt mihi lumina somno.

Vos igitur, propriam Domini Clementia sortem
Quos sibi delegit, recto vestigia calle
Sistite, bellorum nullis agitata procellis
Pectora deficiant: nam si retulisse triumphum
Christicolis dedit umbratis. O credite, verum
Corpus erit vanâ Domino jucundius umbrâ.
Undique septijugæ decicornis bellua Romæ
Usque fremat licet, hos animis constantibus æstus
Ferte Dei memores, ultor venit ecce, profanos
Perdet, & ipse sibi decus asseret omne, piisq;
Gaudia perpetuæ dabit immortalia vita.



THOMÆ MORAVII
PAUCULA, QUÆDAM
SCHEDIASMATA.

Ad Regem cùm publicas Authoris
De Regum in Reges fure, Furis eiusq;
dictione exercitationes Edinburgi ANNO
1599. habitas suæ Majestatis præsentia
aliquoties illustrasset

EYXAPIΣTIKON.

Quod Regum in Reges jus clementissimus audis,
Posthabitis regni sollicitudinibus,
Mancipio nexuq; tuus; mea sint tua quando
Cuncta, tibi quod dem, nil mihi sitq; meum,
Opto, tuum Deus in Reges jus vindicet: opto
Det Deus, ut Regnis, Rex, potiare tuis:
Christicolis tutor, patriæ Pater, hostibus ultor,
Amplifices Scoticum faustus & Imperium.
Tu clemens, justusq; regas; tibi sæcla peroptent
Cuncta, sed interveniant sæcula nulla parem.
Quid votis? vota hæc superas: cui nil super, optet,
Nil superest, faciat: quod superest, taceat.

Ad

Adeundem. Aliud

Post varios casus, post tot discrimina vite
 Das mihi quod Latium, Rex IACOBE, tuum.
 Quod tandem in sacris spondes mihi lata Camenis
 Otia, quæ meritis gratia digna tuis?
 Nulla: meæ poterunt Latia sed si qua Camene,
 Non patiar laudes, crede, latere tuas.
 Quin tua, quæ totum illustrat, clarissima mundum
 Musa, canam Musis quàm sit amica meis.
 Laudibus Imperii tua nunc stat gloria; posthac
 Stabit, & in Musis vivet ubique tuis.
 Scilicet eternam Sceptra, & Diademata famam
 Non pariunt, pereunt; quæ pariunt, pereunt.
 At Musæ his vitam, Musæ his per secula famam
 Cum pariunt, vivunt ipsa ea, quæ pereunt.

Ad eundem anno 1604. oblatus Janus.

Nunc redit & mundi Janus renovator, & anni
 Janitor, Uranias nunc aperitq; fores.
 Hic cæli, hic Superum, Fatiq; interpres, in isto
 Singula mox quæ sunt orbe futura, docet.
 I Augusto tibi, Rex, monet, Augustaq; futura
 Et Proli, & Regnis omnia fausta tuis.
 Tu quoque presentis (Jano nos credimus) anni
 Arbiter, & Regum, Rex, Moderator eris;

E 3

Ver mundi p[ro]p[ri]et[er], renovator, Janus e[st] ann[us]
 nunc redit, Uranias nunc aperitq; fores

Conjungeſq; tuos aternâ pace Britannoſ,
Et tolles priſci nomina diſſidii.

Non Scottus, non Angluſ erit; ſed uterq; Britannuſ,
Aut priſco Albinuſ nomine dictuſ erit.

Vindice te, Pietas jam longum afflicta reſurget, revixit
Puruſ & antiquæ relligionis honoſ.

Vindice te, cælo terras Aſtræa relicto

Incolet, hîc ſolium conſtituetq; ſuum.

Vindice te, doctis erit ingens gloria Muſis, fuit

Virtuti & propriuſ nunc ſine fraude locuſ.

Vindice te, tandem Impietas ſcleroſa peribit,

Et ſit iſ injuſti ſanguinolenta mali.

Vindice te, tandem Virtuti inimica faceſſet,

Et miſeris Muſis invida Barbarieſ.

Vindice te, fælix nunc tota Britannia, totuſ,

Te quoque nunc, fælix, vindice, Munduſ erit.

Hæc Januſ. Jano ſed qui non credit, iſ ipſi

Non ſibi, non oculiſ credit & ipſe ſuiſ;

Nempe boniſ, niſi tu, Rex, ſiſ ſpeſ certa, maliſq;

Terror; iſ poſt te ſpeſ, neque terror erit.

Ad Eundem προγνωστικον.

Quæ fuit à toto diviſa Britannia Mundo,
Diviſa & populis quæ fuit antè ſuiſ,

Te Duce, cum toto nunc una Britannia Mundo

Fiet, erit populis ſemper & una ſuiſ.

Tu quoque jam regniſ pacem dabiſ omnibuſ, aut tu

Rex ſubigeſ armiſ omnia regna tuiſ.

Nempe hoc Imperii Fatuſ eſt, fortunaq; ſummi,

Fertur in æſtivi tramite Solſtitii

Surgit ab Eoa, Occiduam deſvergit ad Arctum,

Cæpit in Aſſyria, deſinet in Scotia.

Cæpit

*Quæ fuit Imperii Romani Scottia finis,
 Omnibus Imperiis Scottia finis erit.
 Scilicet est Soli, & magno quæ Scottia Mundo
 Finis, erit Summis finis & Imperiis.*

**Ad Henricum Iacobi Magni filiū,
 Britanniarum, & Hiberniæ Principem
 Aliud.**

Magne Puer, magnis procreate Heroibus; Heros
 Major &, O! atavis ipse future tuis.
 O decus eximium sceptri! O spes fida Parentis!
 O Mundi! O Patria gloria summa tuæ!
 Tu cælo quidquid magnum est; tu quidquid in isto
 Orbe fuit magnum, jam Puer unus habes:
 Magnus in angusto nam splendet Iuppiter ore,
 Mars, Venus, in facie Phæbus & ipse tua.
 Ipse tuâ nobis describitur indole Cyrus,
 Cùm Puer Astyagem visere gaudet avum;
 Ingenio Magnusq; tuo, presente Philippo,
 Cùm domat indomitum pulverulentus equum.
 Numinibus si vis ulla est cælestibus; olim
 Si Cyro, & Magno gloria magna fuit,
 Crede, tuis sub te veniet permagna Britannis
 Gloria, quæsito fortiter Imperio;
 Gloria non Græcis domitis, Persisve, Syrisve;
 Gloria Romano sed pereunte Lupo.
 Nec mirum hoc; Fati effatum est immobile summi,
 Scottia Romanum finiet Imperium.
 Inde fit, ut Scotici sit tandem, Henrice, Leonis
 Splendida, Romanus, prada futura, Lupus.

In Regii Nominis Anagrammata
quædam, ex quibus Regi Anglicum
 Regnum deberi Anno 1600.
 eruebatur.

Omina nominibus quid certa subesse retextis?
Quid certam & certis esse sub ominibus
Rem dubitas? probat ominibus Rex esse sub ipsis
Rem; certa & versis omina nominibus.
Quisnam igitur dubitet? spero tandem fore, tota
Anglia, si dubites, Anglia tota, probes.

In Roseum quoddam fertum Poeticum
 Regi eodem anno oblatum.

QUod Roseum tibi, jam fertum datur, ominor illud
Cui Rosa jam signum est, Rex, fore, Magne, tuum.
Hoc durum: in duris Rosa spinis nascitur, ex his
Queritur, at spinis absque, vides, geritur.

In redivivum Musarum sub Jacobo
 Rege decus.

ET Luci, & Musis Phæbus dux fertur; ab orbe
Quod Luce, & Musis Sol abigat tenebras.
Nam sine Sole nihil lux est, nil Musa, per ipsum
Abs his barbaricæ diffugiunt tenebræ.

Hinc

*Hinc fit ut, à multis cùm Sol defecerit annis,
 Omnia sint tenebris abdita Cimmeriis.
 Haud decus, haud Musis fuerit locus, omnia priscum
 Ad Chaos, & ruerint omnia barbariem.
 At novus ex quo Sol Jacobus luxit, ab orbe
 Fûgit ad obscuras barbaries tenebras.
 Ergo suum Musis quis jam non speret honorem?
 Sol sedet in solio, Musaq; consilio.
 Sole sub hoc Musis nisi jam sit splendor, & orbi
 Et Soli, & Musis, heu! metuo tenebras.*

*In rarissimum Elizabethæ
 Anglæ regnum.*

*S*erva, quid Augusti fœlicia secula? demens,
 Quid proba Trajani secula, Roma, canis?
 An fœlix queat esse, suos, Patriamq; furenter
 Qui jugulat vivens, qui sepelit moriens?
 An probus, insigni claros Probitate, Fideq;
 Qui necat? in summum qui movet arma Deum?
 Rex probus, & fœlix tantum is, vivensq;, cadensq;
 Qui facit, ut Probitas, Patria, stetq; Fides.
 Ter proba! ter fœlix! tu tres Virgo una ruentes
 Stentq;, facis vivens; stentq;, facis moriens;
 Nec modo stent, facis; emoriens facis, usque triumphant
 Dum Scotiam sceptris addis, Eliza, tuis;
 Afficta Alcide ut credat verissima, credat
 Mundus Amazonidas, atque Semiramidas;
 Ut ficta, abs aliis credat quis facta; sed abs te
 Facta, stupens credat ficta, videns oculus.

In verissimam Alexandri Dicsoni,
& Authoris amicitiam.

UNA erat in binis semper mens, una voluntas;
Unus & in bino corpore sensus erat;
Unus erat binis dolor; oblectatio binis
Unaque; spes binis una, metusq; fuit.
Unus amor binis; una averfatio binis;
Una etiam binis ira, odiumq; fuit;
Unus erat nobis labor, una & cura duobus;
Una etiam nobis vita duobus erat;
Sic duo non duo sunt; unus non unus; at unus
Est duo; nunc duo sunt unus; utrumque simul:
Sic ego Dicsonus; fuit ille Moravius; & sic
Unus uterque fuit; neuter uterque fuit.

Nobilis cujusdam in ipsa nuptiali
pompa extincti ad omnes mor-
tales *πρωτογενικον*.

QUàm falsa hæc misera, sint vanaq; gaudia, vita;
Qui cupis exemplo discere, discite meo:
Dum cantatur Hymen; dum gaudia leta, chorosq;
Instruo; dum gratum sponsa parat thalamum;
Mors fit Hymen; pheretrum coniunx: mihi gaudia luctus;
Et chorus exsequie; fit thalamus tumulus.
Deliciis, vita ô fallax! cum subsit in ipsis
Mors, pheretrum, luctus, exsequie, tumulus.

Anonymæ

Anonymæ cujusdem (quæ mari-
tum, cui invita nupsit, sustulit, & insigne
documentum in ipso extremo supplicio, anno
1600. omnibus mortalibus jam mo-
riens reliquit) ad viatorem
Aliud.

Disparis, en! vitæ speculum mortisq; ; coacti
Omnibus exemplum triste feror thalami:
Nulli grata magis mors, vita minusque ; beata
Nulla minus thalamo, nulla magis tumulto.
Disce, parens, natis dare libera vota ; tueri
Disce maritalem, vir, mulierq; , fidem.
Disce O! quem scelerum absorpsit metuenda vorago,
In summis venia spem fore criminibus.
Nec crebrò hac veniæ Phœnix venit ; unica seculi
Est avis, hanc pauci, qui cupiunt, capiunt.
Ergo mori bene qui cupies, bene vive, viator,
Nec spera hanc nostram, dum male vivis, avem.

Ejusdem Aliud.

Vita mihi mors est ; mors vita ; perenne meorum
Opprobrium vivam, delictum moriar.

In summam Illustrissimæ Heroinæ
Catharinæ Borboniæ, Henrici Franco-
rum, & Navarrorum Regis sororis uni-
cæ, in verè Christiana Religione
constantiam.

*G*Loria fæminei fuit hæc rarissima sexus,
 Stemmatis, & patriæ flos, Catharina, sua.
 Fæmineis sexum superavit dotibus omnem,
 Constanti & summos robore nympa viros.
 Hinc dubium, majusne decus sibi fæmina victrix
 Attulit, an victis dedecus illa viris;
 Artibus, haud dubium tamen est, hanc mille petitam,
 Viribus innumeris nec potuisse capi.
 At sine vi, sine fraude ipsi nos vidimus ipsum
 Attoniti Martem, proh! sine Marte, capi.
 Ergo, Deo duce, cuncta potest si fæmina, magnus
 Hoc sine si Mavors ipse potestq; nihil,
 Disce, vir, hinc fragilem stolidè nec temnere sexum,
 Nec tumidè vires amplificare tuas.
 Sed mirare Deum, qui nos tollitq; premitq;
 Cùm libet, arbitrii pro ratione sui.
 Huic age pro tantâ grates memor Heroïnâ,
 Que potuit nullis succubuisse malis.
 Cuncta licet retrò videas tu secula, majus
 In victæ exemplum non Pietatis habes.
 Dum vivet Pietas, & erunt exempla, perennis
 Vivet, in exemplis primaq; semper erit;
 Semper erit prima hæc, semper si primaq; vivet,
 Stultus es, hanc quisquis jam periisse putas.

Eidem

Eidem Epitaphium.

Cui genus, ingenium, pietas, prudentia, virtus
 Summa fuere, sub hoc marmore Nympha jacet.
 Non jacet hæc, fallor: vitam hanc erecta per omnem
 Quæ stetit, in celo est viva, jacere nequit.
 Hæc stat, & ô vos! vos! Papanâ in facie jacentes
 Excitat, exemplo stare jubetq; suo.

*Cæcilie Vemiæ lectissimæ, & rarissimæ
 Gulielmi Moravii Tilibardini
 conjugii, in ipso ætatis flore, summo
 omnium merore extinctæ, Aliud.*

Quæ roseo vegeta rapta est in flore juventa,
 Qui cupitis, Vemiam noscite Cæciliam;
 Huic genus augustum, facies divina, benignus
 Vultus, iis corpus conveniensq; fuit.
 Vita insons, sine labe pudor, mens casta, pudicum
 Pectus, huic morum gratia summa fuit.
 Vox blanda, & sermo facilis sine felle, nec unquam
 Sæva fuit cuiquam lingua, gravisq; manus;
 Una fuit Virtus justum observare, piumq;
 Semper, & ad nullum vergere flagitium.
 Ætatem, & sexum vicit prudentia, vicit
 Humanam Pietas, Religioq; fidem;
 His ego divinis cumulatam dotibus hanc non
 Jam credo humanam, credo sed Angelicam.

*Quid dico Angelicam? verus fuit Angelus hac, quæ
Nobiscum humanâ vixit in effigie.*

Alexandro Dicsono Aliud.

Qui Cælum, Terram, Oceanum, Mundumq^{ue} tenebat,
Dicsonum exiguus non tenet hunc tumulus;
Non Cælum, Terra, Oceanus, non maximus isto
Dignus Alexandro Mundus erit tumulus.
Nam Cælo, Terrâ, Oceano, Mundoq^{ue} soluto,
Nulla hunc mors solvet. Nullus erit tumulus.

FINIS.



C 18298 SL
17097

REPRODUCED FROM THE COPY IN THE
HENRY E. HUNTINGTON LIBRARY

FOR REFERENCE ONLY. NOT FOR REPRODUCTION